

**COFNODION O GYFARFOD PARTNERIAETH TENANTIAID AC AELODAU  
WRECSAM A GYNHALIWYD YN NEUADD Y DREF, WRECSAM  
DYDD GWENER, 24 MAWRTH 2006**

**AELODAU**

**Yn cynrychioli Cyngor Bwrdeistref Sirol Wrecsam**

Y Cynghorydd	A.C. Bailey	Y Cynghorydd	P. Jeffares
“	Nick Colbourne	“	R. Alun Jenkins
“	* Gerry M. Craddock	“	* Philip Michael Shone
“	Mrs. June Fearnall	“	J.R. Skelland
“	K.H. Hett	“	* Malcolm Williams

**Yn cynrychioli tenantiaid Wrecsam**

Miss Natasha Hill	Mr. Graham Rowlands
Ms. Wendy Loton	*Mr. Joe Skerrith
Ms. Dorothy Mitchell	*Mr. Brian Stapley
Mr. Eric Moore	Mrs. Chris Thomas
Mr. Dave Rimmer	

\*Absennol

**Hefyd yn bresennol** – Y Cynghorydd Mrs. J.M. Lowe a Mr. C.R. Lloyd

**1 Ymddiheuriadau**

Cyflwynwyd ymddiheuriadau am absenoldeb ar ran y Cynghorwyr Gerry M. Craddock a Malcolm Williams, a Mr. Joe Skerrith.

**2 Croeso**

Croesawodd y Cadeirydd Miss Natasha Hill, cynrychiolydd newydd y tenantiaid, i'w chyfarfod cyntaf.

**3 Cofnodion**

**CYTUNWYD – bod cofnodion cyfarfod Partneriaeth Tenantiaid ac Aelodau Wrecsam a gynhaliwyd ar 20 Ionawr 2006 yn gofnod cywir.**

**Materion yn codi**

**(i) Yswiriant:** Adroddodd Rheolwr y Gwasanaethau Landlord fod pedwar eiddo'n wag oherwydd difrod tân ac nad oedd yswiriant i dalu am llety i bobl ddigartref. Roedd yr adran yn newid ei pholisi o ran dechrau gweithio ar eiddo a ddifrodwyd gan dân tra bod trafodaethau'n mynd yn eu blaen gydag addaswyr colled er mwyn cyflymu'r broses o ail-osod.

**(ii) Cynnig i Gael Gwared ar Erddi Cymunedol - Rhiwabon:** Adroddodd Rheolwr y Gwasanaethau Landlord fod y Bwrdd Gweithredol wedi cyfeirio'r mater hwn at y Bartneriaeth i'w ystyried wrth lunio polisi i ddelio â gwarediadau, gan gynnwys polisi am osod ffensys ar ystadau cyllun agored. Nodwyd y byddai adroddiad yn cael ei gyflwyno yn y cyfarfod ym mis Ebrill. .

#### **4 Arolwg o'r Clinigau Tai**

Cyflwynodd Rheolwr y Gwasanaethu adroddiad (CHPPO/36/06) er mwyn i'r Bartneriaeth ystyried canlyniadau arolwg ar bresenoldeb ac effeithiolrwydd clinigau tai a phenderfynu a ddylent barhau.

Pwysleisiwyd yr angen am newyddlenni rheolaidd i roi gwybodaeth i denantiaid.

**CYTUNWYD – i nodi'r adroddiad a chytuno ar y newidiadau canlynol i'r amserau agor neu i gau rhai clinigau:-**

- Cefn** - **Cau'r clinig**
- Y Waun** - **Cynnal clinig ar ddydd Mercher 10.00am - 12 canol dydd**
- Coedpoeth** - **Cau'r clinig**
- Llai** - **Cynnal clinig ar ddydd Mawrth 10.00am - 11.00am.**
- Hightown** - **Cynnal clinig ar ddydd Gwener cyntaf y mis rhwng 10.00am – 12 canol dydd**

#### **5 Stoc Modurdai'r Cyngor**

Cyflwynodd Rheolwr y Gwasanaethau Landlord adroddiad (CHPPO/34/06) yn hysbysu'r Bartneriaeth o nifer y modurdai a rentir ar hyn o bryd, y gwariant arnynt a'r incwm a geir ganddynt. Gofynnwyd am farn y Bartneriaeth ynghylch rhaglenni gwaith pellach ar gyfer stoc modurdai'r Cyngor.

Cytunwyd bod angen arolygu'r holl fodurdai ar unwaith yn enwedig o ran preswylwyr preifat yn rhentu modurdai. Gofynnwyd am adroddiad arall i'r Bartneriaeth yn nodi rhenti cymharol ag awdurdodau lleol eraill, cyflwr y modurdai a rhaglen wella awgrymedig y gellid ei bwydo i mewn i'r broses gyllidebu cyn Medi 2006. Holwyd ynghylch y posibilrwydd o gyflwyno cynnydd yn y rhent yng nghanol y flwyddyn.

**CYTUNWYD – i nodi'r adroddiad a chynhyrchu adroddiad arall ar gyfer cyfarfod nesaf y Bartneriaeth.**

#### **6 Diwygio'r Cytundeb Tenantiaeth**

Cyflwynodd Rheolwr y Gwasanaethau Landlord adroddiad (CHPPO/35/06) yn hysbysu'r Bartneriaeth o'r fframwaith ar gyfer diwygio'r cytundeb tenantiaeth presennol.

Cafodd y Bartneriaeth gyflwyniad yn amlygu'r newidiadau yn y cytundeb newydd ac amserlen arfaethedig ar gyfer ymgynghori a gweithredu.

Wrth ystyried yr adroddiad, cyfeiriwyd yn benodol at:-

- gyfieithu'r ddogfen i'r ieithoedd perthnasol
- arolwg pellach i asesu a oedd y cytundeb newydd o fudd i'r Tîm Gorfodi
- pryder bod adran 5 yn cael ei dileu – cadarnhawyd na fyddai hyn yn effeithio ar hawliau gorfodol tenantiaid
- fformat newydd – awgrymwyd clawr rhydd er mwyn cylchredeg dim ond y tudalennau perthnasol pan fyddent yn cael eu diwygio yn hytrach na'r ddogfen gyfan
- manylion yr ymgynghoriad a drafft terfynol y cytundeb i'w cyflwyno i'r Bartneriaeth cyn cymradwyaeth derfynol y Bwrdd Gweithredol

**CYTUNWYD – i nodi'r adroddiad a chytuno ar yr amserlen ar gyfer ymgynghori a gweithredu.**

## **7 Prisiadau Hawl i Brynu**

Cyflwynodd Rheolwr y Gwasanaethau Landlord adroddiad (CHPPO/37/06) yn hysbysu'r Bartneriaeth o'r weithdrefn ar gyfer prisio eiddo'r Cyngor dan delerau deddfwriaeth hawl i brynu.

Teimlod aelodau fod y prisiadau i weld yn isel o'u cymharu ag eiddo tebyg a werthir gan asiantau gwerthu tai.

Gofynnwyd am wahodd prisiwr mewnol y Cyngor i roi cyflwyniad i'r Bartneriaeth a rhoi enghreifftiau o brisiadau ynghyd ag ystod o brisiau ar gyfer gwahanol eiddo.

Soniodd Rheolwr y Gwasanaethau Landlord y byddai adroddiad am berfformiad gwerthiannau yn y cyfarfod nesaf.

**CYTUNWYD – i nodi'r adroddiad a gwahodd prisiwr mewnol y Cyngor i roi cyflwyniad i gyfarfod yn y dyfodol.**

## **8 Ôl-Ddyledion Rhent a Chostau Adfer**

Cyflwynodd Rheolwr y Gwasanaethau Landlord adroddiad (CHPPO/39/06) yn hysbysu'r Bartneriaeth o'r broses adfer ôl-ddyledion rhent a'r gost o ganlyn yr achosion hyn. Wrth ystyried yr adroddiad, cyfeiriwyd yn benodol at:-

- lefel y taliadau wythnosol a chostau'r llys a delir ar yr un pryd ag ôl-ddyledion.
- mae ôl-ddyledion yn cronni oherwydd y broses cyn cael yr achos i'r llys
- mae gwaith y swyddogion cefnogi'n hynod werthfawr o ran mwylhau budd-daliadau unigolion
- y broblem fwyaf yw'r bwlch rhwng 'gwrthod talu – methu talu'
- posibilrwydd o ddefnyddio atafaeliad mewn achosion a ystyriwyd gan llys y sir

**CYTUNWYD – i nodi'r adroddiad.**

## **9 Cynllun Gweithredol y Gwasanaeth Tai**

Cyflwynodd Rheolwr y Gwasanaethau Landlord adroddiad (CHPPO/40/06) yn gofyn am farn y Bartneriaeth ar y Cynllun Gweithredol i Wasanaethau Landlord.

Nodwyd y byddai adroddiad ynghylch arolwg o ad-daliadau adrannol yn cael ei gyflwyno i gyfarfod nesaf y Bartneriaeth.

**CYTUNWYD – i nodi'r adroddiad a defnyddio'r cynllun gweithredol fel sail i wella gwasanaethau yn ystod 2006/07.**

## **10 Dyddiadau Cyfarfodydd Pellach**

**CYTUNWYD – i gynnal cyfarfodydd y Bartneriaeth yn Ystafell Bwyllgor 3 am 10.00 am ar y dyddiadau canlynol:-**

**Dydd Gwener, 28 Ebrill 2006 – WEDI NEWID o 21 Ebrill**

**Dydd Gwener, 9 Mehefin 2006**

**Dydd Gwener, 28 Gorffennaf 2006 – WEDI NEWID o 21 Gorffennaf**

**Dydd Gwener, 27 Hydref 2006**

**Dydd Gwener, 26 Ionawr 2007**

Y Cynghorydd A.C. Bailey  
Cadeirydd